

इवनिंग डोगरी न्यूज़ बुलेटिन

समे-18:15 Hrs

खास-खास खबरें ---

<><><><><><>

Headlines

- 1 लोकसभा चुनाएं च 64 करोड़ 2 लख मतदाताएं दी शमूलियत कन्नै गै भारत नै विश्व रिकार्ड बनाया ते कन्ने गै पिछले 4 दहाकें च जम्मू-कश्मीर च सब्बनें शां मता मतदान होआ।
- 2 जम्मू-उधमपुर लोकसभा हल्के लेई वोटें दी गिनतरी दे इक दिन पैहले गै देसै च बी त्रै स्तरीय सुरक्षा गी जिंदे च मतगणना केंद्रें च ते आले-दोआले सक्रिय करी दिता गेआ ऐ।
- 3 प्रधानमंत्री नरेंद्र मोदी होरें आखेआ जे 21मीं सदी दा विश्व भारत बक्खी मतियें आसैं-मेदें कन्नै दिक्खा रदा ऐ।
- 4 दक्खन कश्मीर दे पुलवामा जिले दे निहामा गां च इक टाकरे च दउं आतंकवादी मारे गे न।

<><><><><><>

CEC-Briefing

मुख्य चुनां आयुक्त राजीव कुमार होंरें आखेआ ऐ जे भारत दे लोकसभा चुनां च 64 करोड़ कोला मते मतदाताएं हिस्सा लेइए विश्व रिकार्ड बनाया ऐ। नमीं दिल्ली च इक संवाददाता सम्मेलन गी संबोधित करदे होई कुमार होंरें आखेआ जे सब्बनें जी-7 मुख्खें अमरीका, बरतानिया, फ्रांस, जर्मनी, इटली, जपान ते कनाडा दे मतदाताएं दी गिनतरी डेढ गुणा ऐ। उनें आखेआ जे इस लोकसभा चुनां च 31 करोड़ सोयां मती महिलां मतदाताएं वोट पाया जेड़ा दुनिया च अजे तगर दा सब्बनें थवां मता ऐ। उनें एह बी आखेआ जे 2019 दे आम चुनां च 540 पुना मतदान दे मुकाबले च इस चुनां च छड़े 39 पुना मतदान होए। मुख्य चुनां आयुक्त होंरें आखेआ जे इस लोकसभा चुनां च हिंसा दी कोई बड़ी घटना नेई होई। उनें आखेआ जे 2019 च 3 जहार 500 करोड़ रपे दी तुलना च इस बारी 10 जहार करोड़ रपे दी जब्ती कीती गई जिसदे च नकदी, मुक्त चीजां बस्तां, नशीले पदार्थ ते शराब शामिल ऐ। इनें आम चुनाएं दौरान आदर्श आचार संहिता दी खिलाफवर्जी दी 495 शकैतें चा 90 फीसद थवां ज्यादा दा नबेड़ा कीता गेआ। मुख्य चुनां आयुक्त होंरें मजबूत मतगणना प्रक्रिया कन्ने सरबंधत पैहलुएं पर लौ पांदे होई आखेआ जे मतगणना केंद्रें पर केंद्रीय सशस्त्र पुलिस बल दे त्रै स्तरीय सुरक्षा बंदोबस्त कीते गेदे न। हर इक मतगणना मेज पर माइक्रो निगरान दे कन्नो कन्नी मतगणना केंद्रें पर 24 घैंटें सी.सी.टी.वी कवरेज कीती जाग। उनें आखेआ जे विपक्षी दल दे प्रतिनिधिमंडल आस्सेआ आयोग दे सामने पुट्टे गेदे सारे

मसलें दा हल करी लैता गेआ ऐ। केंद्री गृह मंत्री अमित शाह हुंदे आस्सेया चुनां अधिकारिएं गी सद्दने बारै कांग्रेस नेता जयराम रमेश हुंदे आरोप पर उनें आखेआ जे अफवाह फैलाना सेई नेई ऐ। जम्मू-कश्मीर च विधानसभा चुनां कराने बारै पुच्छे गेदे इक सौआलै दे परते च कुमार होरें आखेआ जे आयोग तौलें गै जम्मू-कश्मीर च चुनां प्रक्रिया शुरू करोग।

<><><><><><><>

LS-Counting

लोकसभा चुनां 2024 दे वोटें दी गिनतरी कल होग। एहदे इलावा कल गै आंध्रप्रदेश ते ओडिशा च होए दे विधानसभा चुनां ते किश होर विधानसभाएं दे उप-चुनां दे दे वोटें दी गिनतरी बी कीती जाग। वोटें दी गिनतरी दा कम्म बडलै 8 बजे शुरू होग ते एहदे रूझान ते नतीजे कन्नो-कन्नी चुनां आयोग दी वैबसाइट पर results.eci.gov.in दे इलावा वोटर हैल्पलाइन ऐप पर बी उपलब्ध होंगन। वोटर हैल्पलाइन ऐप गी गूगल प्ले स्टोर जां ऐपल प्ले स्टोर परा बी डाउनलोड कीता जाई सकदा ऐ। आयोग नै रिटर्निंग अफसरें ते काउंटिंग एजेंटें लेई इक बुकलेट बी जारी कीती ऐ जेहड़ी इस्सै वेबसाइट पर उपलब्ध ऐ। आयोग नै दस्सेआ ऐ जे वोटें दी गिनतरी दे प्रवधन, प्रक्रिया, ईवीएम ते वीवीपीएटी दे रखरखाव लेई लोडचदे निर्देश नियमें बगैरा बी वेबसाइट पर उपलब्ध रखे दा ऐ।

<><><><><><><>

RO-Meet

जम्मू ते उधमपुर लोकसभा हल्के लेई पाए गेदे वोटें दी गिनतरी आला कम्म कल होग। मतगणना आले केंद्रें पर सुरक्षा दे ब्रऊं घेरें आले बंदोबस्त कीते गेदे न। 23 लक्ख 94 जहार थवां मते वोटें दी गिनतरी होग। कल 34 मेदवारें दे सियासी भागें दा फैसला होग जिंदे च भारती जनता पार्टी दे वरिष्ठ नेता ते केंद्रीय मंत्री डॉ. जितेंद्र सिंह, मौजूदा सांसद जुगल किशोर शर्मा, कांग्रेस नेता ते साबका मंत्री चौधरी लाल सिंह ते रमन भल्ला शामिल न। जम्मू दे जिला मजिस्ट्रेट सचिन कुमार वैश्य होरें आखेआ जे वोटें दी गिनतरी लेई सारे लोड़चदे इंतजाम कीते गेदे न। जम्मू पालिर्यामानी हल्के लेई वोटें दी गिनतरी सरकारी पालीटेक्निक कालेज विक्रम चौक ते एम.ए.एम कालेज च होग। एहदे लेई लोड़चदे सारे बंदोबस्त कीते गेदे न। रिटर्निंग अफसर होरें आखेआ जे मतगणना आले दिन आदर्श आचार संहिता ते दफा 144 लागू रौहग।

<><><><><><>

Security-Arrangements Kashmir

घाटी च त्रै लोकसभा सीटें पर होए दे मतदान मगरा कल होने आहली वोटें दी गिनती दे मददेनजर सुरक्षा दे पुख्ता बंदोबस्त कीते गए न। एहदे लेई महत्वै आहिलएं थाहें पर बाद्दू सुरक्षा बल तैनात कीते गेदे न। अधिकारिएं मुजब श्रीनगर, बारामुला ते अनंतनाग च मतगणना केंद्रें दे त्रै स्तरीय बंदोबस्त कीते गेदे न जित्थे ई.वी.एम गी रक्खेआ गेआ ऐ। उनें थाहरें पर नेड़मी तक्क रक्खी जा रदी ऐ। मतगणना दे

मददेनजर रिटर्निंग अफसरें मुत्तलका लोकसभा सीटें दे मेदवारें, चुनां सरबंधी एजेंटें ते बक्ख-बक्ख सियासी पार्टी दे नुमाइंदें कन्नै बैठक कीती। इस दौरान सब्बनें गी भारतीय चुनां आयोग दे दिशा-निर्देशे, मानकें ते तौर-तरीकें बारै अवगत करोआया गेआ। कश्मीर घाटी च त्रै लोकसभा सीटें लेई 66 मेदवार चुनां मैदान च हे। मुख्ख मेदवारें च पीडीपी प्रमुख महबूबा मुफ्ती, नेशनल कांफ्रेंस दे उप प्रधान उमर अब्दुल्ला, अलगाववादी थवां मुख्ख धारा ससज्जाद गनी लोन ते साबका विधायक शेख अब्दुल रशीद उर्फ इंजीनियर रशीद शामिल न।

<><><><><><>

Sonia-Exit Poll

कांग्रेस दी साबका अध्यक्ष सोनिया गांधी होरें आखेआ ऐ जे लोकसभा चुनां दे नतीजें एग्जिट पोल देमकाबले बिल्कुल बक्खरे होडन। नमीं दिल्ली च मीडिया दे सौआलें दा परता दिंदे होई उनें एह गल्ल आक्खी। एग्जिट पोल च भाजपा दी अगुवाई आले एनडीए गठबंधन दी जित्त दा अंदाजा जाहिर कीता गेआ ऐ। एहदे थवां पैहले श्रीमति गांधी होरें तमिल नाडू दे साबका मुख्खमंत्री एम. करुणानिधि हुंदी जयंती पर पुष्पांजलि भेंट कीती। डीएमके नेता डी.एम.के नेता टी.आर. बालू सी.पी.आई (एम) महासचिव सीताराम येचुरी ते नेशनल कांफ्रेंस दे नेता फारूक अब्दुल्ला होरें बी एम. करुणानिधि होरें गी श्रद्धांजलि भेंट कीती।

<><><><><><>

BJP-Meeting

लोकसभा चुनावों के वोटों की गिनतरी थवां पहले भारतीय जनता पार्टी के अध्यक्ष जगत प्रकाश नड्डा होंगे पार्टी नेताएं कन्नै बैठक च मतगणना आस्तै पार्टी की तयारिणं पर चर्चा कीती। बैठक च केंद्रीय मंत्री ते वरिष्ठ भाजपा नेता अमित शाह, पार्टी महासचिव बी.एल संतोष ते विनोद तावड़े शामिल हे। नमीं दिल्ली च बैठक मगरा पत्रकारों कन्नै गल्ल करदे होई तावड़े होंगे आखेआ जे पार्टी नेताएं मतगणना की तयारिणं पर विचार विमर्श कीता।

<><><><><><>

PM-Bharat Thought

प्रधानमंत्री नरेंद्र मोदी होंगे आखेआ जे 21वीं सदी का विश्व भारत बखी मतियें आसैं-तांगें कन्नै दिक्खा रदा ऐ। उनें आखेआ जे विश्व च केई देशें लेई भारत के शासन का नमूना ऐ। इक चिट्ठी के जरिये देशवासियें कन्नै अपने विचारों की सांझा करदे होई श्री मोदी होंगे आखेआ जे नमियां काइडां जियां जे लोकें लेई बेहतर शासन, आकांक्षी जिले ते आकांक्षी ब्लाक वैश्विक स्तर उप्पर चर्चा का केंद्र न। श्री मोदी होंगे आखेआ जे हेठले स्तर उप्पर गरीबों की सशक्त करने कन्नै सरकार के प्रयासों ताई विश्व की प्रेरित कीता ऐ। प्रधानमंत्री होंगे च दिशाएं च जिंदे च गति, किस स्तर तोड़ी विस्तार ते म्यार उप्पर तुरत कम्म करने की जरूरता पर जोर भरेया। श्री मोदी होंगे आखेआ जे भारत की वैश्विक दक्खन की इक मजबूत ते महत्वपूर्ण मन्ना रदा ऐ ते भारत की पहल उप्पर अफ्रीकी संघ जी-20 किट्ठ का इक हिस्सा बनी सकै। कन्या कुमारी च अपनी

त्रुं दिनें दी आध्यात्मिक यात्रा बारै प्रधानमंत्री हुरे आखेआ जे कन्याकुमारी दी धरती एकता दा स्नेहा दिंदी ऐ, खास करिये कुसै बी नेय व्यक्तिएं गी जेड़ा जे भारत दे राष्ट्रवाद ते एकता उप्पर शक-शुबा करे।

<><><><><><>

Nitish Modi Meet

बिहार दे मुखमंत्री ते जनता दल युनाइटेड अध्यक्ष नितीश कुमार हुरे अज्ज दिल्ली च प्रधानमंत्री हुंदे कन्नै मलाटी कीती। एह मलाटी लोकसभा चुनां दे नतीजे थवां इक दिन पैहले लग्गी ऐ।

<><><><><><>

Encounter-JK

अज्ज दक्खन कश्मीर दे पुलवामा जिले दे निहामा गां च सुरक्षा बले कन्नै होए दे टाकरे च दऊं आतंकवादी मारे गे न। आधिकारिक सूत्रे मताबक आतंकवादिएं दी मौजूदगी दी इक विशेष सूह थहोने मगरा निहामा काकापोरा गां च टाकरा भखी पेया। समूलचे मुल्खा ते जम्मू-कश्मीर लोकसभा चुनां दे कल नतीजे ताई इक दिन पैहले एह टाकरा होई गेआ। उनें आखेआ जे टाकरे आहली थाह थमां दऊं लोथां बरामद होइयां न। मती जानकारी गी बलगेया जा रदा ऐ।

<><><><><><>

KVK-Reasi

रियासी दे कृषि विज्ञान केंद्र नै अज्ज फलें ते सब्जियें गी डब्बा बंद करने च उद्ययमता विकास उप्पर सिखलाई कार्जक्रम दा रियासी दे कारवा ग्रां च आयोजन दिता। इलाके दिएं केई युवां महिलां करसानें इस कार्जक्रम च हिस्सा लैता। कार्जक्रम गी आर्या परियोजना तैहत आयोजित कीता गेआ। वैज्ञानिक ते के.वी.के रियासी दे हेड डॉ. मनारसी लाल होरें इस बारे दस्सेया।



NHAI-JK

ट्रैफिक पुलिस नै जानकारी दिती ऐ जे रामबन ते निहाल बश्कार राष्ट्रीय जरनैली शिड़का उप्पर किश जरूरी मरम्मती ते रख-रखाव करी 3 ते 4 जून दी बश्कारली रातीं जम्मू-श्रीनगर राष्ट्रीय जरनैली शिड़कें उप्पर गड़डियें दी आओजाई बंद रोग। आकाशवाणी जम्मू संवाददाता दी रिपोर्ट मुजब प्राधिकरणें स गल्ल दी जानकारी दिती। हर किस्मै दिएं गड़डियें दी आओजाई अज्ज रातीं बंद ऐ। कुसै बी किस्में दी गड़डियें जिस च माल बच्छे गी राष्ट्रीय जरनैली शिड़का पर अज्ज संझा ते 6 बजे दे बाद काजीगुंड थमां रामबन बक्खी जाने दी इजाजत होग। इये नेय तरीके नै कुसै बी गड़डी दी आओजाई नगरोटा दे जम्मू थमां 5 बजे दे बाद इजाजत नेई होग ते 6 बजे थमां उधमपुर थमां इजाजत नेई होग। यात्रुएं गी राष्ट्रीय जरनैली शिड़क उप्पर जिच्चर कम्म पूरा नेई होग। यात्रा नेई करने दी सलाह दिती ऐ ते ट्रैफिक कंट्रोल

यूनिट गी ताजातरीन हालात लेई 94199-93745, 1800-180-7043 उप्पर पता करने दी बी सलाह दिती ऐ।

<><><><><><>

NHAI-Toll Plaza

भारतीय राष्ट्रीय जरनैली शिडका सरबन्धी प्राधिकरण नै समूलचे देसै च टोल टैक्स दी दर 5 फीसद दे स्हाबै बदाई दिती ऐ। प्राधिकरणे दे अधिकारी नै दस्सेया जे अज्ज थमां गै नमीं दरें गी लागू कीता जाग। भारत दी व्यापक राष्ट्रीय जरनैली शिडक तंत्र च कोई 900 टोल प्लाजा न।

<><><><><><>

Missing-Body

सिंध नाले थमां इक लापता व्यक्ति दी लोथ अज्ज बरामद होई ऐ। आधिकारिक सूत्रे मताबक कल इक व्यक्ति उस्सलै लापता होआ जिसलै जिला गांदरबल दे सोनामर्ग इलाके च सजवास ग्लेशियर दा इक्क हिस्सा डिग्गी पेआ जिसले के दऊं सैलानिये गी तुरत गै घटना मगरा बचाया गेआ। तोआई अधिकारिये आखेआ जे बचा अभियान तुरत गै चलाया गेआ। बड़ी मशक्कत दे बाद व्यक्ति दी लोथ गी कड्डेया गेआ जिसदी पंछान गुंड हाकनार दे बसनीक मोहम्मद यूसुफ दे पुतर मंजूर एहमद खान दे तौर पर कीती गेई ऐ।

<><><><><><>